

# INUIT ATAQTIGIIT INATSISARTUNI



11. juli 2022

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara.

## **Naalackersuisunut apeqquq:**

**1. §37-ikkut apeqquq nr: 125-mi akissut tunngavigalugu Qularnaveeqqusiinneq 3,5-iniit 5 mill.kr-nut qaffaaneeq eqqaaneqartoq, Savaatilinnut toqqaannartumik ataasiakkaannut qanoq iluaqusiisagami?**

**A) Savaatilinnut ataasiakkaannut qaffaaneeq taanna qanoq malugineqassava?**

**2. Qaqugu Neqi A/S-ip akit 2022-imoort isumaqatiginninniutigissagamikkit?**

**A) Suna pillugu taamak kingusitsigisumik isumaqatiginninniarnit ingerlanneqartarpat?**

**3. Nunalerinermik periusissiaq 2021-2030 malillugu Naalackersuisut nunalerinermut tunngasumik suliaqarpat?**

**A) Taamaappat suliat periusissiaq malillugu ingerlappat?**

**B) Imaluunniit Kinguaattooqqappat?**

**4. Savaatillit ilisimareerpaat nerukkaatsissat akiisa qaffannerat taamaammallu nerukkaatsissanik pisinermi annikinnerusunik pisisariaqarsimallutik, uumasuutiminnillu ikilisaasariaqarlutik aalijangertariaqalersimallutik, Naalackersuisut immikkut ittumik ikiorsiiniarpat uummasuutit amerlassusaannik ikilisaasariaqarneq pisariaarullugu?**

# INUIT ATAQATIGIIT INATSISARTUNI



**A) Naalakkersuisut qanoq iliorniarpat?**

**5. Savat ikilisarneqartariaqarneri ernumanarpoq, nerukkaatissat akitsorpallaarneri pissutaalluni, tamanna nunalerineq pillugu periusissiamut 2021-2030-mut naappertuutinngilaq, Naalakkersuip savanik ikilisaannginnissaq anguniarlugu nunalerineq pillugu periusissiaq malinniarlugu qanoq iliuseqarniarpat?**

**6. Ukiut qulit qaangiuppata savaateqarnermik ingerlatsiinnarnissamut aningaasatigut tapersorsorneqarnissamik pisariaqartitsisut savaateqarnermik ingerlatsiinarnissaat qularnaarniarlugu iliuseqarfigineqartariaqartut qanoq amerlatigippat?**

(Inatsisartunut Ilaasortaq Mariane Paviasen, Inuit Ataqatigiit)

**Tunngavilersuut:** Naalakkersuisup §37, nr: 125-2022 apeqquteqaammut akissuteqaammini akissutigaa itisiliinerusoqartariaqarpoq. Nunalerinermik periusissiaq malillugu ingerlassagaanni pisariaqavippoq immikkut iliuseqartoqarnissaa savaateqarnerup ingerlaannarnissaannik anguniagaqarnermi, savaatillit ataasiinaanngitsut nerukkaatissat akitsornerisa kingunerisaannik savaatiminnik ikilisaasariaqalernermik paasisarialimmik oqariartuuteqartalerput, tamannalu periusissimamut naappertuutinngilaq.